



Broj: 04-GV-04-373/22
Sarajevo, 04.03.2022. godine

*ZAPISNIK O RADU
DEVETE SJEDNICE KOMISIJE ZA DRUGOSTEPENO
UPRAVNO RJEŠAVANJE
održane 04.03.2022. godine*

Prisutni:

1. Kenan Mamić, predsjedavajući
2. Tarik Kapur, zamjenik predsjedavajućeg
3. Damir Beglerović, član
4. Maid Delić, član
5. Sanela Halać, članica,
6. Zlatan Ljuhar, član
7. Željko Vukša Fejzić, član

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuje:

- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajući Komisije je u 15.12 sati otvorio sjednicu, pozdravio prisutne, utvrdio kvorum za rad i odlučivanje, te obavjestio članove Komisije da će Željko Vukša Fejzić kasniti.

Sjednica je započela razmatranjem i jednoglasnim usvajanjem Zapisnika o radu Osme sjednice Komisije za drugostepeno upravno rješavanje održane 10.02.2022. godine.

Na prijedlog predsjedavajućeg, jednoglasno je usvojen sljedeći **dnevni red**:

1. Razmatranje Žalbe žalioca MN Media Company d.o.o. Sarajevo izjavljene na Rješenje broj: 09-19-3238-1/21 od 23.11.2021. godine
2. Tekuća pitanja

TAČKA 1.

Razmatranje Žalbe žalioca MN Media Company d.o.o. Sarajevo izjavljene na Rješenje broj: 09-19-3238-1/21 od 23.11.2021. godine

Uvodno izlaganje je dao predstavnik Predlagača.

Željko Vukša Fejzić, pristupio je sjednici u 15.17 sati.



Poslije uvodnog izlaganja i rasprave, te sažetka Predsjedavajućeg, Komisija za drugostepeno upravno rješavanje je jednoglasno usvojila sljedeće **zaključke**:

1. Komisija za drugostepeno upravno rješavanje je razmotrila Žalbu žalioca MN Media Company d.o.o. Sarajevo izjavljene na Rješenje broj: 09-19-3238-1/21 od 23.11.2021. godine i konstatuje da je žalba blagovremena, dopuštena i izjavljena od strane ovlaštene osobe.
2. Komisija za drugostepeno upravno rješavanje odbija Žalbu žalioca MN Media Company d.o.o. Sarajevo izjavljene na Rješenje broj: 09-19-3238-1/21 od 23.11.2021. godine kao neosnovanu i potvrđuje prvostepeno rješenje gradonačelnice.
3. Komisija za drugostepeno upravno rješavanje je donijela odluku kao u dispozitivu iz razloga kako slijedi:

„Izjavljenom žalbom nije dovedeno u pitanje činjenično stanje utvrđeno od strane prvostepenog organa, te je iz iste vidljivo da je navedeni dug evidentiran kroz poslovne knjige Grada Sarajeva i kao takav dospio u momentu predavanja zahtjeva, pa je prvostepeni organ na tako utvrđeno činjenično stanje, pravilno primjenio materijalno pravo. Činjenica da se vodi sudski postupak vezano za navedeni dug, ne može biti osnov za usvajanje žalbe, obzirom da i sam žalitelj u svojoj žalbi, ukazuje da je sudski postupak u toku te kako isti postupak nije pravosnažno okončan sudskom odlukom, to navodi iz žalbe predstavljaju prejudiciranje odluke suda.

TAČKA 2.

Tekuća pitanja

Pod ovom tačkom dnevnog reda vođena je diskusija u kojoj su učestvovali predstavnik Predlagača i članovi Komisije.

- I.** Poslije diskusije, te sažetka Predsjedavajućeg, Komisija za drugostepeno upravno rješavanje je usvojila sljedeće **zaključak**:

Obzirom da je Komisija za drugostepeno upravno rješavanje informisana da je od 01.01.2022. godine stupio na snagu Pravilnik o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godinu („Službene novine Kantona Sarajevo“, broj 2/22) te da će se u narednom periodu isti prilikom rješavanja žalbi, primjenjivati. Potrebno je što je moguće prije, Komisiji dostaviti navedeni Pravilnik, radi upoznavanja sa istim.

- II.** Poslije diskusije, te sažetka Predsjedavajućeg, Komisija za drugostepeno upravno rješavanje je usvojila sljedeće **zaključak**:

Obzirom da je Komisija za drugostepeno upravno rješavanje na jednoj od ranijih sjednica donijela zaključak kojim je zatraženo od Pravobranilaštva Grada Sarajeva dostavljanje informacije o razlozima upućivanja nepotpunog spisa Kantonalnom sudu u Sarajevu, vezano za upravni spor pokrenut od strane pravnog lica MN Media Company d.o.o. Sarajevo, a da tražena informacije, ni nakon ponovljenog zahtjeva, do danas nisu Komisiji dostavljene, Komisija ponavlja svoj zahtjev Pravobranilaštvu Grada Sarajeva za dostavljanje ovih informacija, što je moguće prije.

PREDSJEDAVALJUĆI KOMISIJE

Kenan Mamić, s.r.

Predsjedavajući Komisije je u 15.46 sati zaključio rad Devete sjednice Komisije za drugostepeno upravno rješavanje Gradskog vijeća Grada Sarajeva.